



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 36. Cardinalis Aquilejensis a sua septentrionali Legatione redux

[urn:nbn:de:hbz:466:1-66459](#)

batur, tempore in genua provolutus per-Sæcul. XV.
 mansit. Inde surgens ad Cardinales sese A.C. 1474
 convertit, ac singulos speciatim in eorum
 sedibus positos complexu, & osculo hono-
 rabat. Postera die eosdem domi invisit,
 idemque humanitatis officium ipse vicis-
 sim ab omnibus accepit, excepto solo
 Cardinale S. Sabinæ. Tandem Roma
 abiens, Burgundiæ Ducem accessit, ubi
 usque ad Mensem Junium anni millesimi
 quadragesimi septuagesimi sexti di-
 versatus est. Quorundam Scriptorum
 conjectura est, Fridericu[m] hoc iter susce-
 pisse eo animo, ut Burgundiæ Filiam,
 sibi in uxorem deposceret, sed inane est
 eorum commentum.

§. XXXVI.

Cardinalis Aquilejensis a sua septen- trionali Legatione redux.

Tandem Cardinalis Aquilejensis a Pon-
 tifice Legatus in Septentrionales
 plagas missus, inde redux hoc anno mil-
 lesimo quadragesimo septuagesimo
 quarto die decima quinta Novembrib[us] Ro-
 manam venit. Triginta menses Legatione
 sua functus, pluribus negotiis distentus
 erat, pacemque inter Hungariæ & Po-
 loniæ Reges reddere conabatur, idque
 non sine magnis laboribus perfecit. Na-
 vabat suam quoque operam in componen-

I i 2 dis

Sacul. XV. dis dissidiis, quibus Hassiæ Landgravius
A.C. 1474. & Rupertus de Coloniensi Archiepisco-
patu contendentes inter se collidebantur,
eodemque tempore lites diremit, quæ
ex horum æmulatione inter Imperato-
rem & Burgundiæ Ducem exortæ fuere.
Tam gravia negotia Legatum præter ex-
pectationem suam diutius in hisce regio-
nibus detinebant: Ast inde eo magis ac-
ceptus erat ipsius reditus. Romam de-
latus in Sanctiore Patrum Senatu a Pon-
tifice hanc in rem convocato de rebus in
sua Legatione gestis rationem reddidit,
petiitque veniam, quod nec imperio Pon-
tificis, nec Cardinalium exspectationi, ut
ajebat, plene satisfecisset: Papa, Legati
Zelo, ac ejus in Christianam Rempubli-
cam amore plurimum dilaudato, simul
cum Cardinalibus eidem gratias verbis
valde honorificis egit, eumque in laboris
sui præmium Prænestino Episcopatu de-
coravit, quam Sedem tenuit usque ad
annum millesimum quadragecentesimum
nonagesimum, quo etiam beato fine
quievit.

§. XXXVII.

Pax inter Hungaros atque Polonos.

In hisce Regnis potissimum hujus Cardi-
nalis laboribus optatus adspirabat suc-
cessus; Pax enim Hungariæ inter ac
Poloniae Reges feliciter confecta est.
Hujus